

Kontrapasa baimendu dute Bizkaian

Kostaldean bakarrik ehizatu ahal izango da

Pagausoaren kontrapasa baimendu du datorren ehiza sasoirako Bizkaiko Foru Aldundiak. Kontrapasan kostaldean, probintziaren ekialdean, bakarrik aritu ahal izango da, eta sasoi osoan, gehienez, 2.000 pagauso ehizatu ahal izango dira.

Gorane Agirre / Bilbo

OSO kontrol zehatzak finkatu eta kontrapasa baimendu du datorren ehiza sasoirako Bizkaiko Diputazioko Nekazaritza Sailak. Horrenbestez, datorren urteko otsailaren 14an hasiko den ehiza garaian kontrapasan aritu ahal izango dira ehiztariak Bizkaian.

Kontrapasan pagausoa bakarrik ehizatu ahal izango da; izan ere, Diputazioko ordezkarien arabera, hegazti horren egun egoera ona da, ez baitu desageratzeko arazorik. Dena dela, kontrapasa garai osoan, gehienez, 2.000 pagauso ehizatu ahal izango dira. «Kopuru hori», Diputazioko arabera, «oso txikia da migrazioan dauden pagauso

kopuru handiarekin alderatuz gero».

Pagausoa ekialdeko kostaldean bakarrik ehizatu ahal izango da kontrapasan, hain zuzen, Bermeo, Bakio, Mundaka, Ea, Ipazter, Lekeitio, Mendexa, Berriatua, Ondarroa, Jatabe eta Lemoizen. Probintzia osoan, guztira, 27 pasagune eta 407 postu baimendu dituzte otsailean hasiko den kontrapasa sasoirako.

Kontrol zorrotza • Aipaturiko baldintza horietaz gain, Diputazioak oso kontrol zorrotzak finkatu ditu bestelako hegazti moten inguruan, zehaztutako gehienezko kopurua gainditu ez dadin. Hala, bakarrik pagausoaren kontra eta baimendutako pasagunetan jarritako postu finkoetatik



Baimendutako lekuetan soilik ehizatu ahal izango da.

JAGOBA MENTEROLA

baino ezingo dute tiro egin ehiztariak. Postu horiek betetzeko ezinbestekoa izango da baimen pertsonal eta besterezina izatea.

Ehiztari bakoitzari harrapakea agiri bat emango diote, eta astero agiri horren azterketa egingo dute ehizatutako aleen kontrola egin ahal izateko. Hala, bada, finkatutako 2.000 pagausoen kopurura hurbiltzean Diputazioak bertan behera utziko du ehiza sasoi.

Hurrengo kontrapasa sasoi 1999ko otsailaren 14an hasi eta martxoaren 28an bukatuko da. Garai horretan, egunero goizeko 08:00etatik 14:00etara bitartean ehizatu ahal izango da, eta gehienez lau ale. Kontrapasa sasoiaren hegazti migratzaileak Europako ipar eta erdialdeko beren hazkuntza tokietara bueltatzen dira, negua Iberiako Penintsulan igaro ostean, batez ere Extremadura eta Portugalgo hegoaldean.

1989. urteko Naturgune eta Baso Flora eta Faunaren Kontserbazio Legeak debekatu egin zuen sasoi horretan ehizatzea. Geroztik egoera aldatu egin da; izan ere, 1997. urteko azaroaren 6ko Espainiako Buletin Ofizialean aipaturiko legearen erreforma argitaratu zen. Aldaketa horrek zenbait hegazti ehizatze-ko baimena eman zuen, betiere, oso baldintza zorrotzak ezarrita. X

www.euskara@mundiala.da

kilometroak98

tolosaldea

urriak 4

ongi etorri

Antolatzaileak:

Laguntzailea:

RENFE - GARRAIO OFIZIALA

02ut1